



# PREZIDÉNSIA KONSELLU MINISTRUS

VI GOVERNUN KONSTITUSIONÁL

DÍLI, LORON 20 FULAN-ABRÍL TINAN 2016

## KOMUNIKADU IMPRENSA

### **Sorumutuk Konsellu Ministrus nian iha loron 20 fulan-abríl tinan 2016**

Konsellu Ministrus hala'o sorumutuk iha kuarta-feira, loron 20 fulan-abríl tinan 2016, iha Palásiu Governu, iha Dili, no aprova tiha ona:

#### **1. Dekretu-Lei kona-ba Lei Baze sira kona-ba Ordenamentu Territóriu nian**

Konstituisaun estabese hanesan objetivu fundamentál husi polítika públika ordenamentu teritóriu nian promosaun no dezenvolvimentu armoniozu no integradu husi setór no rejiaun sira, nune'e mós ho repartisaun ne'ebé hanesan kona-ba Produtu Nasionál. Lei ida ne'e, prevee ezisténsia tipu boot rua husi instrumentu planeamentu terrióriál: tipu sira iha ámbitu nasionál no tipu sira iha ámbitu munispál. Aprovasaun Dekretu-Lei ida ne'e nian permite atu define espesifikamente prinsípiu orientadór sira no objetivu Administrasaun nian sira, identifika interese públiku oin-oin ho dimensaun terrióriál, utiliza instrumentu sira kona-ba planeamentu terrióriál, hanesan meu intervensaun nian ida husi Administrasaun Públika, no mós define tipolojia no objetivu hirak ne'ebé instrumentu hirak ne'e tenke halo tuir.

#### **2. Dekretu-Lei kona-ba alterasaun da-1 ba Lei Orgánika Provedoria Direitus Umanus no Justisa nian**

Orgánika instituisaun ne'e nian hetan aprovasaun durante sorumutuk Konsellu Ministrus nian iha loron 13 fulan-abríl tinan 2011. Maske nune'e, funsaun, responsabilidade oin-oin, no volume serbisu nian ne'ebé sa'e maka'as, tenke kria pozisaun balun ne'ebé rezulta husi especialidade husi funsaun sira ne'ebé maka atu ezerse, maka hanesan hanesan kazu investigadór, monitór, formadór, ofisiál no asistente sira nian. Ho alterasaun ida ne'e, hili estrutura mista ida ne'ebé mak ki'ik no operasionál liu.

#### **3. Dekretu-Lei kona-ba Orgánika Sekretaria Estadu Juventude no Desportu nian**

Tuir polítika poupanza Governu ida daudaun ne'e nian, Sekretaria Estadu ida ne'e hakarak adota estrutura ida ne'ebé simples no efisiente, ho de'it Diresaun-Jerál koordinasaun nian ida no Diresaun



Palácio do Governo,  
Avenida Presidente Nicolau Lobato,  
Dili, Timor-Leste

pcm.gov.tl@gmail.com  
(+670) 33 310 608

Nasionál neen. SEJD hetan tutela husi Ministru Estadu, Koordinadór Asuntu Sosiál no ninia misaun mak atu hamosu ideia, ezekuta, koordena no avalia polítika ba área sira hanesan promosaun moris-di'ak no dezenvolvimentu juventude, edukasaun fízika no desportu nian.

#### **4. Dekretu-Lei kona-ba prosesu lisensiamentu ba mensajen publisidade nian sira**

Iha sorumutuk Konsellu Ministrus nian iha loron 14 fulan-setembru tinan 2011, aprova ona, iha jeneralidade, Rejime Jurídiku kona-ba Atividade sira Publisidade nian. Tanba atividade ekonómika sira ne'ebé sa'e ba beibeik no ezijénsia kona-ba konvivénsia entre konsumidór sira no servisu oin-oin sira ne'ebé iha, Dekretu-Lei ne'e sei impoin ba dala uluk, dixiplina normativa ida, ba prosesu lisensiamentu ba mensajen publisidade nian sira, no prevee tipolojia ida nune'e mós ho kolokasaun no inkrisaun kona-ba fatin sira atu koloka publisidade.

#### **5. Dekretu-Lei kona-ba Orgánika Biblioteca Nasionál nian**

Biblioteca ne'e hetan ona aprovasaun iha Konsellu Ministrus no ninia objetivu maka hala'o rekolla, tratamentu no konservasasaun património dokumentál Timor nian, no mós asegura ninia estudu no divulgasaun, no garante klasifikasaun no inventariasasaun patrimóniu bibliográfiku nasional.

#### **6. Dekretu-Lei kona-ba rejime jurídiku ba Depóztu Legál ba publikasaun sira iha Timor-Leste**

Patrimóniu bibliográfiku, sonoru, vizuál, audiovizuál no dijital Timor nian sai hanesan rikusoin istória no kulturál importante ida no oinsá mak bele prezerva hodi fó benefísiu ba jerasaun sira agora no futuru nian. Diploma ne'e regula depóztu legál ba publikasaun sira, iha Biblioteca Nasionál Timor-Leste nian, ho objetivu atu asegura rejistu no rai produsaun intelektuál nasional, husi kualkér meu ne'ebé destina ona ba distribuisaun ka divulgasaun públika sira, gratuita ka oneroza (selu).

Konsellu Ministru analiza ona mós:

#### **7. Planu-mestre “Estrada Rural sira”**

Ministériu Obras Públikas, Transportes no Komunikasaun, apresenta ona planu konstrusaun rodoviária iha área rural sira iha períodu husi tinan 2016 ba 2020. Tama mós iha Planu Dezenvolvimentu Estratéjika, melloria asesu fasilita populasasaun hodi dezloka ba mai, aumenta kriasasaun empregu no fasilita investimentu privadu iha rejiaun interiór sira nasaun ne'e nian.

#### **8. Dekretu-Lei kona-ba Autoridade Inspesaun Ekonómika no Seguransa Ai-han**

Programa Governu Konstitusionál VI nian konsidera revizaun ba norma legál sira kona-ba seguransa produktu sira nian hanesan buat ne'ebé importante atubele aumenta konfiansa husi konsumidór sira iha área ne'e. Kriasasaun organizmu foun ida ne'e nian halibur no koordena servisu hirak ne'ebé relaciona ho fiskalizasaun, avaliasaun no komunikasaun kona-ba risku ne'ebé detekta ona iha fileira ai-han nian, no mós promosaun dixiplina atu ezerse atividade ekonómika hotu-hotu husi setór hotu-hotu.

